

EX LIBRIS
ILLVSTRISSIMI VIRI,
DN. DAN. LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS.

60
71
NUPTIIS EXOPTATISS.

CLARISS. ET
DOCTISS. V. DN.
WOLFGANGII V. DOCTO-
RIS, REVERENDI ET CLARISS.
V. DN. WOLFGANGI, Ecclesiae
Serevestanae Pastoris, ac finitima-
rum Inspectoris ac Superattenden-
tis vigilantiss. atque illustris
Gymn. S. S. Theologiae
Professoris eximij,
F. AMLINGI.

A. D. XXI. MENS. SEXTIL.
IVLIANI HEIDELBERGAE CE-
LEBRANDIS CVM HONESTISS.
pudiciss. q; virgine GERTRUDE, Magnifici
& prudentiss. V. DN. REINERI, illustriss. Pr.
VIIviri Palatini, Ducis Bavariae &c. in vrbe
Heidelberga Pratoris supremi F.
BACCHOFIA
ECHTIA,

Vota & gratulationes cum solenni apprecatione
nuncupatae ab amicis, quorum sua cuiusq;
versibus nomina sunt adscripta.

SERVESTAE,
Typis Iohannis Schlerij, Anno 1599.



E Y X H

PRO CONIVGIO SAN-
CTO AC FELICI VVOLGAN-
GI AMELINGI, IVRIS VTRIVSQUE DO-
ctoris, Filij Reverendi & Clarissimi viri Domini
Magistri VVolgangi Amelingi, Pastoris & Su-
perintendentis in Ecclesia Servestana: Et Ger-
trudis, Filiae viri Amplissimi & prudentissimi
Domini Reinhardi Bachovij, Praetoris in vrbe
Heidelbergae illustrissimi Principis ac Do-
mini Electoris Palatini ad Rhenum
Ducis Bavariae, &c.



*Electorum soboles divina lege su-
perstes, (erit.
Et stirps longa & posteritatis
V sibus hoc seculo civilibus apta vi-
gebit*

*Et sacris, summo gratia in utrisq; DEO.
Donec & has inter metas permanserit, uni
Spe semper firma nixa fideq; DEO:
Si forte irruerit tempestas & va procellis,
Caelesti evadet tuta patrocini.*

A 2

Ingrato

ingrato quòd si mundo neglecta jacebit,
Præmia promeritis nec feret æqua suis:
Non benè gestorum tamen unquam fama per-
Insuperum merces sede perennis erit. (ibit,
Hac promissa DEUS, qua cœlitus edita voce
Ipse sua, effectu Rector in orbe probat:
Nunc in Gnati Amelinge tui, Gnatæq; Ba-
Connubio ut largè compleat, oro, tua. (cho-
Vestrum præstiterit quātum, qua pertulerit ve
Quisq; sui constans in statione loci
Pro vero, contra grassantis cœpta Chimæra:
Mens pia, qua Christo est dedita, lata canet.
Hac ut sectetur proles vestigia passu
Christe pari, ipse tui Flaminis affer opem,
Adversosq; tibi, quibus est mens flexilis, ad te
Converte. At rigidis injice frana feris. (ras,
Et reliquis nostras gregibus tranquilla per o-
Laus tua ut emineat, secula redde pijs.

Caspar Peucerus D.



AD

Ad Clarissimum Virum Do-
minum V Volgangum Amlingum Iuris
utriusq; Doctorem, Sponsum &c.
amicum singulariter charum.



*Esatum claro genitore haud ul-
tima laus est,*

*Nam decorant Gnatum Fama,
(decusq; Patris:*

*Major at hac laus est, si Filius amulus ipse
Laudis sit patria, non sine laude Patris.*

*Ergo Magnus eris, Magni, V Volgäge, parētis
AMLINGI, ò Fili, qui decus es Patria:*

*Nam te condecorat non tantum Fama parē-
Vtraq; quem novit Solis in orbe domus (tis,*

*Sed tua testantur Pietas, Doctrina, Fidesq;
Nec latum te unguem degenerasse Patre.*

*Hac & causa fuit, Sponsam ut delegeris aptā,
Eximio pariter de genitore satam.*

*Cujus si ingenium, merita, & pietatis amore
Expendam, vix hoc clarior alter erit.*

*Exprimit egregios tua mores Sponsa parentū,
Filia Baccovl, casta, pudica, proba.*

A 3

Quis

*Quae tantis dotata bonis tibi contigit uxor,
O fortunati nomen & omen habens!
Vivite felices, numeroso germine vestram
Amplificet stirpem filius atq; nepos.*

Iohannes Sagittarius D.

AD CLARISSIMUM
VIRVM VV O L G A N G V M R E V E -
R E N D I E T C L A R I S S I M I V I R I D N . M . V V O L -
g a n g i F . A m l i n g u m I . V . D o c t o r e m , n u p t i a s c e l e b r a n t e m c u m
h o n e s t i s s i m a v i r g i n e G E R T R U D E , A m p l i s s i m i & p r u -
d e n t i s s i m i v i r i D n . R E I N H A R D I B A C C H O -
F I I E C H T I I & c . F i l i a .

ΟΔΑ ΠΑΡΑΙΤΗΤΙΚΗ.
CARMINIS GENERE
ALCAICO.



*Rum quis aurum Mygdoniū rogat?
Istriq; poscit flumina pumicem?
Aut exiit thorace nudum?
Caesariemq; metit recalvo?*

*Res mira: amicis, jugi ego carminum
Depletus haustu, carmina flagitor:
Pauperq; verborum atq; rerum,
Veste nova jubeor subinde*

Orationis

Orationis, reddere fabulam
Iam jam relatam, plenum opus alea:
Vatum nec ausit quod parens, nec
Cecropiæ genitor loquella;
Eosdem ille versus sapius accinens,
Ast hic iisdem non iterans semel
Sententiam verbis eandem:
Dulcis uterq; medulla Suada,
At nuptijs hæc vota sodalium
Canto recanto, credite, non minus
Nunc centies, qui copiaq;
Aequiparo genioq; neutrum.
Ne fausta tedis ergo tuis roga
Me verba, legum candidus arbiter,
Iurisq; mystes, auspicata
Nominis Evodium Pelasgis
Qui voce signas: artis, & ingenij,
Atq; invidenda laudis adorea
Felicior multò, paterni
Qua cumulas titulos triumphi.
Sortita rerum qualibet est suum
Hoc orbe tempus: congrua lusibus
Non est Thalia, non serendis
Aptajocis gravis est senectas.

Quod

Quod ipse munus postolor, hoc tibi
Persolvat à me rectius, integer
Cui sanguis est à vi, genisq;
Excubat in roseis Iuventas.
His, arma ponens nunc iterum lyra,
Has mando partes, & soceri simul
Laudes tui, quas ipse culpa
Deterere ingenij erubesco.
Quarum in puella tu specimen tua
Illustre cernis: namq; parentium
In prole virtus est: nec acrem
Progenerant asini leonem.
Illa omen, opto, nominis impleat
Famamq; stirpis, **TOTA FIDES MERA:**
Ac matris, ut vultus, gemellum
Sic facie referat pudorem.
Nec liberorum germina, lectuli
Absint feracis premia, qui patrum
Nomen propagantes, avorum
Laticia renovent juventam.

Gregorius Bersmanus,

ALIVD.

ALIVD,

Vi sociam vitæ genere & pietate de-
coram
Numina dant, ingens accipit ille
bonum.

Gaudet is in domino vitæ traducere honestam,
Gignere & in casto pignora casta toro:
Semper ut exurgant, præstet qui grata Iehova,
Majorum & genus in secula longa serant.
Ergo, vir insigni virtute, & corpore pulcro,
Nympha intrat cujus pulcra & honesta torū,
Qua patre nata pio, eximio, & genitrice pudi-
dotibus ante alias enitet egregiis, (ca,
Gaude, Sponse, tibi: grates pro munere tanto
Solve Deo: ad quem nunc talia vota fero.
Da, pater, unanimes, numerosa & prole beati
Vivant, quos thalami fœdere jungit amor.
Da, sit ut ambobus mens sana in corpore sano,
Iuste partæ & opes, deliciaq; pia.
Longum viventes fac basia grata nepotum,
Nomen avi ac avia sæpius exhilarent.

B

Et

*Et tandem vitæ cupidos melioris, ad altæ
Stelliferi tollas atria, quæso, poli.*

M. Balthasar Kisevvetter *судья*
suo carissimo.

Ad Clarissimum V. Dn.

VVolgangum, Reverendi Dn.

V Volgangi Amlingi, Theologi F.

I. V. D. Sponsum &c.



*Larus avis, atavis, celebri fama
parentis
Amlingus cum sis, Et pietate tuas
Amlingos etenim quis nescit Franco, vetustâ
Stirpem Et Cancrorum? namq; ea matris
erat.*

Eamam auxti nuper, præclara scientia legum

*Te quando in summo sistere visa gradu est.
Accumulatur honos nov. 9 en tibi, quo sibi vir-*

*Premia concessu noverit esse Dei. (tus
Natam Bachofius tibi dum, vir quãtus at ille!*


*Desponsat, facilis dum propriamq; dicat,
Natam Gertrudẽ, gravitatis quæ amula pa-*

*Atq; probe matris quæ pietatis erat. (tris,
O cum*

O cum floridula vivas Gertrude Superstes
Amlinge, in casto latus amore diu.
Sit neutri canos ante annos vita caduca,
Occidua hac saturis sit senibusq; precor.
Solutus & Evodiam hanc reddat tibi prole ma-
Volgango electa, tutor utriq; Deus. (rito

M. Casp. Vlricus
1796

Εὐφροσύνη γαμικῆ.

 **V**od nactus, dulcis, studiorum es pre-
mia, amice, (sicitur.
Hinc quisquis bonus est, letitia af-
Ipse ego praclari tibi grator munera honoris:
Gratulor & sociam, candide amice, tori.
Haectenus es vigili libros complexus amore:
Visa est in libris nulla puella tuis. (tasti,
Sed Paphia jam nunc operam dandam esse pu-
Dum subit ad spectum casta puella tuum.
Nec te pœniteat voti, charissime compar,
Quod prestas Sponsa, Sponse beate, tua.
Cœlitus illa venit, cœlo tibi jungitur illa,
Qua, fore se, dixit, tempus in omne tuam.
B 2 Gratu.

Gratulor ergo tibi fortunam, sponse, benignā,
Qua tribuit votis vela secunda tuis.

Et precor, auspicijs thalami ut primordia latis
Inchoet, & faustum terminet Author opus.

Addat conjugij numerosam premia prolem,
Qua vocet hinc matrem, qua vocet inde pa-
trem.

Qua maneat constans in religione parentum,
Officia & patri grata referre queat.

Tempore vos longo Christi clementia servet
Concordes, sic mens una duobus erit.

Exiguum hoc tibi habe confectum carmine
munus:

Pignus amicitiae sit mea MVSA tibi.

Balthasar Kisevvetter junior
I. V. L.

AD DN. M. VV O L G A N G V M
A M L I N G V M S E N I O R E M, T H E O L O G V M
eximium, virum clarissimum & reverendum
&c. de Filij ipsius unici ac cognominis, lu-
ris utriusq; Doctoris Claris,
nuptiis, &c.

Ehova acerbis saepe premens bonos
Eatis fatigat, sortis & ictibus
Hos

Hos vulnerat seruis: sed idem
Allevat, exhilarat, medetur.
Serve euge Christi, Amlinge, bone optimi,
Petite plagis innumeris, probrisq;
Ob simplicis veri, tenaxq;
Ob studium fidei probata:
Expurge frontem, letitia tuum
Cor pasce, testem letitia & sonum
Fac audiant, die bono qui
Ore serent bona verba, amici.
En oris instar quiq; gerit tui,
Et pectoris qui est effigies tui,
Anceps tuum redditq; nomen,
Vnica spes sobolesq; Gnatus
En sese ut infert clarus honoribus,
Sudore crebro quos meruit, Sophos
Ob grande, virtutemq; vatum
Ellogijs fidibusq; dignam.
En sese ut infert virginis ad latus,
Nutrivit almo quam Pietas sinu,
Quam procreaverunt parentes
Et genere & probitate magni.
Huic se maritum devovet, hanc sibi
Legit maritam foedere perpeti,

B 3.

Hac

Hac compare, Amlingos tenellos,
Backofiosq; dabit novellos,
Qui, more avorum, res populi regant,
Linguis juventam ac artibus imbuant,
Viam ore facundo in corona
Edoceant populi salutis:
Quiq; arva dulcis relinquere patria,
Valeq; malint dicere honoribus,
Et extimo sub sole tectum
Quarere, quam tacuisse VERVM:
Qui vindicent hoc fortiter hostium
Christi à proterva stultitia & minis,
Gestentq; victrici, ob triumphos,
Tempora condecorata lauro:
Quorumq; nomen postera gens canat,
Oblivioso & laudibus eximat
Leto, nec involvat tenebris,
Cum cineres Libitina condet.
Sed laxa quò me vela trahunt? recens
O Christe fructu conjugium, precor,
Bea perenni: es conjugator:
Sis, voveo, quoq; sospitator.

Iohannes Theopoldus

EPI-

EPIGRAMMA
IN HONORES DOCTORATVS
(ut vocant) V Volgangi Amlingi
Junioris.

Vnior Amlingus gemino correptus
amore,
Verbi cœlestis, juris & Ausonij:
Dederet utri se totum, sub pectore volvens,
Mysten se statuit velle vovere Deo.
Ast effecturum hic dum se laudabile sensit
Nil, quo non multum clareat ante pater:
Iuri equidem, verbi retinens sed pectore amorē
Cœlestis, sese dedidit Ausonio.
Ut, veluti pollet sacrarum indagine rerum,
Et rara verbi cognitione pater:
Filius in legum jurisq; utriusq; palestra
Amlingi nobis se sobolem esse probet.

Iohann. Theopoldus.

ΕΠΙΟΧΟΝ.
VIVa saLVs nostra est DoMInVs, qVI Vo-
tagVbernat,

Ne Venlant SponsIs trlsta fata plIs.

Iohannes Capnio Pastor Lindaviensis.

▲LIVD.

A L I V D.

D Vm Sponsis meditor Talassionem
Verbis dicere non Talassionis;
Non Laertiades, disertus ille,
Sed verò Menelaus esse malim:

Nec laudem puto in ultimis habendam,
Si qui sit pote multa, pauca fari.

Summa, Sponse, negotij, caputq; est:
Te ter, te quater, amplius Beatum
Iactat quisq; rog'asne, porro, causam?
Corpus: Mens bona: lata laeta fors te
Felicem faciunt: ab hisce demum
Quisquis dona capit, cluet Beatus.

Honestas meruit quidem Minerva
Ante cetera calculum: tulitq;
Virtus & sapientia omne punctum,
Non sunt nullius assis estimanda
Tamen reliqua dona: sed per orbem
Suo pondere & hac & illa vergunt.
Nam bonis Animi, oppido, invidendis
Sunt portus velut, anchora, aura, tutum
Qua praestant, Pelagi per alta, cursum.

Hinc

Hinc Mens percipit, hinc suum cor usum:
Queis fortuna serena, corporisq;
Confert officium suos vigores.

Est, qui non habeat: nec invenitur
Nullus, qui renuatve, negligatve
Apisci: at sapiens suis decenter
Ist hac ponderibus modisq; librat.
Verum in te bona, Sponse, cuncta jurant.
In te juris honos: ab Arte cultus:
Opes: Laus Thalami: vigenq; Corpus.
His explent numerum Fides, Decorum,
Candor, & PIETAS: levamen unde
Lenimenq; petes, tonante fatis,
Et damnis superirruente mundo.
Quando arvis dominatur, heu a vitam
Ob noxam Rubus asper, & subinde
Cui vis letiferum minatur ictum.

Sed hac vos PATER optimus, sacerq;
Antistes Superum ille, praco Christi,
Nectar Euepies, medulla Peithus,
Et presens trepido medella Cordi,
Legatusq; Dei audiens, docebit.

Vides? que Pietas subegit illum,
MYRTILETA subire: tamq; iniqui

C

Per

Per superciliosa terga cliui,
Tot, tantasq; molestias vorare:
Tot valles penetrare flexuosas:
Tot amnes tremulo secare passu.
Vides? ut sibi gratuletur, utq;
Gaudeat Soceris, NVRVq; tali
Optata toties. Vides? ut alta
Vertex stet nive candidus, Iehova
Sacrato Capiti, Osculo Iehova,
Semoniq;. Vides? ut ingemiscat,
Polum suspiciens, inambulansq;
Tecum inter proceres sacri Palati:
Heroi FRIDERICO & ipse gratus,
Et heroibus ipse mixtus heros.
Vides? ut lacrymas, precesq;, verba
Inter singula fundat: utq; vobis,
Et vestro bene dicat instituto.
Quem votis sequimurq;, tendimusq;
Vna ad te: ferimurq;, corde toto,
Quo non corpore possumus venire.
Nunc me le Hymeneia canto: priscos,
Sed superstitionibus remotos,
Addo, qui deceant sacra ista, RITVS:
Vesta, Vndisq; adhibete uterq; tactu

Manus

Manus unanimi. Omen inde quino
Facies ordine praferant secundum,
Suadela & Charitum foco Sabaeam
Mercem imponite, moisiunculisq;
Pomum SPONS A Cydonium petessat.
Conserta Asparagis caput corona
Cingat. Ferreus orbe nodus, orbis
Baccarum preciosiore censu,
Adstringat digitum: e virata Felle
Litet victima. Conjugemq; ductent
Matrimi pueri novam Patrimi.
Mulcibro ante fores sacrate currum,
Qui Nympham tulit obviam marito.
Nec Phœbi meminisse, nec sororis
Phœbea pigeat: nec Acris, unde
Repercussa sibi se imago reddit.
Quid moror? thalamum paret, Viroq;
Pareat, Pariatq; Nupta prolem:
Ut natos videat PARENS, AVVSq;
Ut sanctos videat sacer, nepotes
Pacata fieri incolas SIONIS.

Albertus Voitus
Boruffus,

C 2

EPITHA.

EPITHALAMIUM.

Dum satus Amlingo, Phœbi Themidisq; Sacerdos,
Nataq; Bachosio, sacra marita parât:
Ducere fert animus festos Hymenæon ad ignes,
Et dare pro fausto vota precesq; toro.
Nate Dei, primos qui sub iuga ducis amantes,
Huc ades, hæcq; tuo cœpta favore iuua.
Incluta coniugium floret schola, cuius in orbe
Nemo satis callet sensa profunda pius.
Nō geminus thalami Cecrops est autor honesti:
Sed trino simplex Numine Numen idem.
Hoc postquam verbo motum spirante creasset
Omnia, factus humo nomine venit homo.
Eiq; soporati costa benè conditur Eva,
Et Deus, Hanc, Ada, Tu tibi, dixit, habe.
Binis una caro caleat, mens unica constet:
Et dominos ær, pontus, humusq; ferant.
Iura marita tori sanxit castissimus autor,
Ut casti castum femina virq; colant.
Utq; pio norint studio discernere castum,
Numen ab incesta colluvione Stygis:
Utq; Venus certa natis ratione creandis
Serviat, ac hominum plantet in orbe genus.

Ex.

Ex quo perpetuum Christus sibi colligat agmē,
Quod vera celebret religione Deum, (jux,
Quid? quod & adjutrix maris est & gloria cō-
Hac cura & requies, hac medicina venit.
Deniq; conjugij sanctum & venerabile fœdus
Illiciti fœdum pellit amoris opus.
Qui vivit cœlebs, nec novit vivere cœlebs,
Designat vita cœlibe turpe scelus.
Nil vetita cernit Veneris Sol fœdus astu,
Nec gravior casti Numinis ira manet.
Si nescis, Sodomē, Thebas, Lacedæmona, Tro-
Benjamidas, Romã, dispice, certus eris. (jã,
Sed castus pudor est homini tutissima virtus,
Magnaq; dante Deo, præmia semper habet.
Si dubitas, casti fatum modò cerne Iosephi:
Regnat in Aegypto, qui modò captus erat.
Adde, quòd Omnipotēs cura simulacra pudica,
Et speculum morum jussit inesse feris.
Teutonico volucres à storgis nomine dictæ,
Rostris ladentes sacra marita necant.
Halcyone fœdus thalami Ceyxq; tuentur.
Coniugeq; extincto, luctibus uxor obit.
Chaonis haud vinculum rumpit sociale, nec un-
Ni viduo lecto secubet, ales amat, (quam,
C 3 Grata

Grata Iovi pullos avium regina probare
Fertur ad adversos solis euntis equos.
Singula ne dicā, scelus omni est morte piandū,
Castius, ac homini, pectus inesse feris.
Est homini fœdus dulcis sociale palastra,
Artificesq; probat culta palastra suos
Nam viget hic pietas, verum, dilectio, candor,
Et placido virtus corde ferenda ferens:
Hic pia cura precum cor urit, honosq; pudori
Hic est, hic vincit sub cruce vera fides.
Hic quocumq; animū fers, aut vaga lumina
Obvia divini signa favoris eunt. (volvis,
Discimus hic, nullo qua codice legimus unquā:
Tam patet in laudes area lata Dei,
Nemo potest fando pingendoq; fingere motus,
Quos sobolis fidum nomine pectus habet.
Timanthes vultum velis obvolvare patris,
Non gestum in gnata pingere cade valet.
Dadalus ipse sui casus effingere nati
Gestijt: at patris dexteraq; arsq; stupent,
Deniq; conjugij mysteria continet ordo:
Est Christus Sponsus, Sponsaq; sancta cohors,
Sunt amor, atq; fides, rerum communio, proles,
Et tutela pij vincla decusq; tori.

Hac

Hac Christus populo praestat sine fine fidei:
Hac eadem Christo concio sacra refert.
O sacer, o semper torus omni dignus honore,
Quid simile his studijs vita soluta docet?
Adde, quod hinc Christus de virgine venit in
Cui dederas thalami iuste Iosephe fide. (auras,
Hinc etiam Cana thalamo te daq; iugali
Cum socijs Christus matre q; latus adest.
Et cum deficeret recreans praecordia Bacchus,
Eximio liquidam neetare mutat aquam.
Ornat adhuc tedas, et Bacchica munera pra-
Coniugibus q; levat tristia fata Deus (bet,
Hac dulci veteres velant sub imagine vates:
Vates quippe patrum dicta verentia sonant.
Gaudia namq; Ducu celebrare hymeneia Di-
Et dare se sponsis munera digna ferunt. (vos
Donat opes Iuno, gemmata monilia Pallas,
Nata mari formam, bellicus arma DEVS.
Sic largi celebrant Cadmi sacra festa Camena:
Largus opum largis laudibus auctus erit.
Sic Phthij Musa dicunt connubia Regis:
Nam sua vult Musas dicere sacra DEVS.
Ergo DEI contra legem Latialis Erinnyis
Damnatae honorandi vincula casta tori.
Multaq;

Multaq; in exitium cultorum millia ducit,
Turpia qui Veneris furtiva vagantis amat,
Compare vitacares, cœnaq; immanis abusus,
Si nescis, Stygio dant sua fulcra Papa.
Ergo tua Amlingi pietas est grata Iehova,
Qui legis legum vincula doctor amas.
Qua te laude vehã, qui gaudes nomine patris,
In Themidis summum nactus es arte gradum?
Est tibi, sitq; pater, dum secula Nestoris aequet,
Christicolum lumen, Pieridumq; decus.
Nota viri pietas, testataq; tempus in omne,
Promeritis replet solis utramq; domum.
Ne corda Ascanidum turbet concordia discors,
Amlingi à magno munus opusq; Deo est.
Hunc ergo pietas, rumpantur ut ilia libri
Fabriculis, Pietas dum viget orbe, canet.
Thespiadum à puero es sacris versatus in hor-
Blandaq; Castalijs orarigatus aquis. (tis,
Graiaq; iurgentis lingua documenta Latina,
Sessitat in labris suada modesta tuis.
Frons sine nube probi rectiq; est pectoris index,
Et nive candidius lacteq; pectus habes.
Numinis ingenium vix est metuentius ullum,
Et tua labe fides, vita, pudorq; vacant.
Nunc

Nunc Themidis leges, lanceſq; hoc orbe repulſa
Virginis ad cœli regna beata, colis.
Ergo tibi Muſa, Clariſq; antiſtes honoris,
Serta ferunt nullo diſſoluenda die.
Iamq; tibi virgo datur omnis palma laboris,
Qua grave Gertruda nomē & omen habet.
Cui pius eſt genitor, cui vera eſt gloria Chriſtum
Noſſe, Deiſq; pati nomine poſſe ſui.
Iſtibus Iſacijs bene potum lacte Latino,
Melleſq; Cecropio nutriſt alma Charis. (na,
Quem referent Pietas, Virtus, Aſtrea, Camœ-
Dum ſua virtutem premia faſq; manent.
Semina virtutum cum lacte in pectora fudit,
Mater feminei gloria rara chori.
Illa precum tenerum formis cor imbuit, illa
Inſtituit teneram celica juſſa ſequi (crines,
Forma rotunda ornat caput, & forma aurea
Stellarumq; inſtar lumen utrumq; micat.
Pulcra refert facies permixtum lacte cruorem,
Albaſve purpureis lilia junct a roſis.
Ceia Muſa virum non ficto predicat ore,
Cujus amans mores exprimat uxor apis.
Femina caſta, fovens natos, intenta labori,
Nō vaga, frugalis, magnū apis inſtar habet.

D

Non

Nec sum animi dubi q, quin talis munere Chri-
Sponsa tuos intret Sponse colende toros, (Sti
Ut statua facies trunco decus adlit honesta:
Sic decus est pulcris moribus omne pudor.
Aut affixa colo sedet, aut opus omne Minerva
Excolit, aut volvit mente oculisq, libros.
Seq, gerens pedibus, vestitu, voce modestam,
Ut Venus in concha stans, sua tecta colit.
Exemplisq, domi natis utriusq, parentis, au
Officium ante homines prestat Et ante Deu.
Et pietatis honos, ex qua ceu fonte perenni
Acta probata fluunt, acta modesta regit.
Ergo tua teda linguis animisq, favemus,
Concipimusq, piis supplice mente preces:
Blanda torum decoret concordia: copia cornu
Fundat opes: operas dirigat alma fides.
Utq, olea mites Et olivas vitis Et uvas
Insita producit, multa q, secla manet;
Sic Deus efficiat pulcra vos prole beatos,
Et Pylios donet, sed sine lite, dies.
Hac peto, sed mitis det plura Iehova petitis.
Multiplicetq, suo vota favore mea.

M. Iohannes Fertzschius V Vihensis
Scholæ Bernburgensis R.

ELEGIA

ELEGIA GRATVLATORIA

AD CL. VIRVM DN. VVOL-
gangum, Reverendi & doctiss V. M. VVol-
gangi F. Amlingum, I. V. Doctorem,
Sponsum.

Venerat ad nostram nuper gratissimus urbem
Rumor, iò quanti nuncius ille boni!
Collatos tibi denarrans Doctoris honores,
Teq; auctum titulis Iuris in arte novis.
Quà mediam tumidis Basileam interluit undis
Spumoso volvens vortice Rhenus aquas.

Ecce iterum lætis nostras narratibus aures
Implet conjugij nuncia fama tui.
Quo thalamos intrare tuos Baccovia fertur
Virgo, puellaris flosque decusque chori.
Virgo suo soboles non inficianda parenti,
Spectato meritis & pietate viro.
Quem Philyrae urbis suspexit frena tenentem,
At nunc prætorem jactat habere Nicer.
Credo equidem, nec vana fides, Cyprinque Themisque
Certatim donis te cumulare suis.
Et merito, hoc primo Musis impensus ab ævo
Namque tuus meruit non sine teste labor.
Hoc meruit probitas, artemque modestia vincens,
Hoc animi dotes, ingenijque vigor.
Quaque vales gemini sacra scientia Iuris,
Et linguæ, culto qui fluit ore, niter.
Salve, Amlinge, decus magni memorabile patris:
Salve iterum, ó Themidos gloria, Iuris honor.
Grator, amice, bonum tibi grator amicus utrumque:
Ostri insigne decus, conjugijque faces.

Sis

Sis felix: non cura tuos inceſtet amores,
Non dolor, aut ſocio liſ inimica iugo.
Sed quæcunque ferunt ſocialia federa ſecum
Commoda, connubio ſint cumulata tuo,
Cætuſ amor, conſtansque fides, concordia lectum
Ambiat, appoſitas condat atque dapes,
Nec thalami fructus abſint numeroſa propago,
Ante patris ludens, matris & ante pedes.
Ingenij referat quæ dexteritate parentem,
Quæ matrem prodat frontis honore ſuæ.
Quæ ſibi congenitam pietatem oſtendat avorum,
Qua virtus non eſt gratior ulla Deo.
Sis felix: Deus ipſe tuos fortunet honores,
Vtile te faciat præſidiumque ſori.
Cujus ope adverſis conſtet Reſpublica rebus,
Si quando, infandis jam propè merſa malis:
Vt tua venturo laus commemoretur in ævo,
Sitq; memor meriti patria grata tui.
Auguror: eueniet quod amica mente precamur,
Evenient votis proſperiora meis.

Gregorius Petrus Berſmanus.

Votum Patris in Nuptias Filij.



Aſta Deus mens eſ, caſti ſancitor amoris,
Nec niſi conjugij pignora caſta probas.
Sint thalamo junctos inter MENS VNA, COR V.
NVM,
Nec turbent caſtas jurgia dira preces.
Natorum natos videant, pia germina lecti,
Heredes regni CHRIS TE, patrisque tui.

W. A.

F I N I S.

Nov 1996

8

ULB Halle 3
002 063 808




nicht aufg., da unvollst. u.
nicht zu ermitteln!

28 a / 50 1996 |

VB 17

M





90
71

NUPTIIS EXOPTATISS.
CLARISS. ET
DOCTISS. V. DN.
WOLFGANGII. V. DOCTO-
RIS, REVERENDI ET CLARISS.
V. DN. WOLFGANGI, Ecclesiae
Servestanæ Pastoris, ac finitima-
rum Inspectoris ac Superattenden-
tis vigilantiss. atque illustris
Gymn. S. S. Theologiae
Professoris eximij,
F. AMLINGI,
A. D. XXI. MENS. SEXTIL.
IVLIANI HEIDELBERGAE CE-
LEBRANDIS CVM HONESTISS.
pudiciss. q; virgine GERTRUDE, Magnifici
& prudentiss. V. DN. REINERI, illustriss. Pr.
Vilviri Palatini, Ducis Bavariae &c. in vrbe
Heidelbergæ Prætoris supremi F.
BACCHOFIA
ECHTIA,
Vota & gratulationes cum solenni appreciatione
nuncupatæ ab amicis, quorum sua cuiusq;
versibus nomina sunt adscripta,
SERVESTAE,
Typis Iohannis Schlerij, Anno 1599.

